



## AKCIJA DZOKER: Razbijena još jedna organizirana kriminalna grupa

# Uhapšeno pet osoba

Pripadnici Državne agencije za istrage i zaštitu (SIPA) jučer su u akciji nazvanoj Džoker uhapšili pet osoba osumnjičenih za organizirani kriminal. Kako nam je saopćeno iz SIPA, uhapšeni su A. S, A. S, Dž. Š, D. T. i I. M, kojima se na teret stavlja da su počinili krivično djelo organizirani kriminal u vezi sa krivičnim djelima carinska prevara, krijumčarenje, porezna utaja ili prevara, primanje dara ili drugih oblika koristi, davanje dara ili drugih oblika koristi, protivzakonito posredovanje i zloupotreba položaja ili ovlaštenja i dr. Na teret im je stavljena i porezna utaja u iznosu od više stotina hiljada KM, za koje je oštećen budžet BiH.

Iz Tužilaštva BiH saopćeno je da se aktivnos-

ti provode na području Sarajeva, Istočnog Sarajeva i Čelinca, te da se radi o istrazi usmjerenoj na otkrivanje krivičnih djela vezanih za carinske i porezne utaje prilikom uvoza velikih količina i kontejnerskih isporuka uglavnom tekstilne robe porijeklom iz NR Kine i to u periodu od 2012. do 2014. Tokom akcije pretreseno je i devet lokacija odakle je izuzeta određena dokumentacija koja će biti poslata na vještačenje. Osumnjičeni su privedeni u prostorije SIPA, a naknadno će biti odlučeno o mjeri pritvora. Ova akcija realizirana je u saradnji sa pripadnicima Uprave za indirektno oporezivanje BiH, Granične policije BiH, MUP-a KS-a i MUP-a RS-a.

**A. B. Č.**



Osumnjičeni privedeni u SIPA